

投梭記

下

授

校

記

丁

投梭記目錄

卷下

第十七齣

約社

第十八齣

哭友

第十九齣

魔見

第二十齣

鬻女

第二十一齣

出守

第二十二齣

賽魔

第二十三齣

救女

第二十四齣

逆節

第二十五齣

交戰

第二十六齣

閨叙

第二十七齣

獲醜

第二十八齣

逃避

第二十九齣

奠江

第三十齣

大會

投梭記目錄下

終

投梭記

下

第十七齣

外扮王鑒上

遶池遊

屏居村落心賞隨年薄課桑蔴不分昏曉

犬吠村墟雞鳴樹杪問同人何時可招秋乍來人

遠別夢斷敲窗梧葉鴻雁度蟋蟀鳴音書寄不

成西山雪東窗月結伴不嫌吾拙已焚車聊讀

書干戈且掩廬老夫姓王名鑒字公明豫章九

江人也向仕本朝爲車騎將軍因見五胡雲擾

中原陸沉以此棄職歸田卜居匡廬山下夫人
羊氏乃太傅公孫女老夫年老無子止生一女
嫁秣陵謝幼輿我這邊到秣陵不過一水上下
向來朝廷無事道路清寧或一月或半月女孩
兒音問時時往來近來王敦謀反沿江一帶十
分戒嚴恰有半載絕無消耗心上甚放不下我
看謝郎是個人中之傑不愁他功名不遠大只
愁目前貧窘又遇亂離不知何以度日且待干
戈寧靜再作道理老夫自從卜居此山却又早

數年矣你看匡廬好山色也

小桃紅匡君何日此遊遨千載青不了也向幽深
中結成一座草團瓢日對着石門椒浪誇他紫烟
生紅雨飄仙垓淨玉京近也都收入竹几吟毫謾
說道遠風塵先已脫險波濤呀夫人來矣 老旦扮

王夫人上

逍遙樂兒女憂心悄路阻長江信音杳西風吹夢
到江臯愁依雁字恨絕魚書淚盡雞潮 相見介老

旦相公萬福 外夫人少禮望遠行碧砌蛩螢夜

及後已下二

夜鳴柴扉永日鎖長扃門前山色送來青市塵
不到小茆亭

老旦

揚子月秣陵砧不傳消息但

傳情漁陽鼙鼓忽然驚音書阻絕二毛生相公
我與你年老無子止有一女遠嫁謝郎向來雖
不得時時見面音問却也不絕近來半載杳不
相通不知爲何

外

夫人今王敦謀反道路阻塞

彼此相去千里有餘那討音問姑俟少平我這

里就差人去了

老旦

相公開得謝郎資身無策

日缺三餐待得平靜知是何時只恐他夫妻二

口索之枯魚之肆耳外夫人謝郎人傑江左無
兩焉有長貧賤者乎不須多慮中原騷擾豺虎
縱橫幸得老夫解却朝簪釋去重負此地又僻
不遭兵燹正好優游蔗境

下山虎

你看庭深蒿草闌長藥苗門靜堪羅雀絕

無市囂我自向雲賃眠窩月賒濁醪攏火時將柏
子燒盡日無人到環堵蕭然著絕交蠻觸徒然競
不到我溪前谷均一枕羲星絕夢勞

前腔

老旦

相公你雄心枯槁短髮蕭騷膝下將誰

靠唯有文姬在遙痛殺我老景孤单形隻影凋千

里雲山一水饒半載絕音耗烽火連天貫斗杓生

灰難存料心頭火燒

悲介

我那兒何日重逢慰寂

寥

雜扮賽社四人一老者爲頭打鼓上

本宮賺社

鼓齊敲中元節屆鄉村鬧靈神鑒昭一月月十風

五雨年收好當祈報牲醴庶羞盡備着只愁好女

難尋討獅蠻跳做來一弄兒歡和笑唱出吳歌羗

調唱出吳歌羗調

老者

我們都是廬山下鄉民我

這廬山有個伊尼廟廟中有个伊尼大王不知

是何神道最是靈顯方方數百里居民凡有些
小疾病禱之必應每歲春秋二祭却是上元中
元上元正用燈火鼓樂烏猜白羊中元沒有燈
火猪羊之外要尋一个童身美女送進廟中祭
享但是齊整虔誠又有美女那年自然風調雨
順五穀豐稔若但有祭品無童女時霎時就起
雷電一歲疾疫歉收如今又當中元節屈了夥
計今年輪該王老爹爲首我們同到他家去問
他可曾有了童女不曾這不是當要的轉灣抹

角此間已是王老爹在家麼

外誰在外廂夫人

且進去待老夫去看來

老旦應下外出見介呀

元來是衆社友有何見教

衆

王老爹如今中元

節到伊尼廟中祭賽輪該宅上劇首金錢寶馬

猪羊酒果都不打緊只是童身美女一時難覓

須預先定下省得臨期無措

外

正是我到忘了

早是諸公見教

章臺柳

衆

王老爹神貺屢曾邀報賽在今朝寶馬

金錢般般妙只少個女妖嬈

外

諸公可曾到各處

坊村問一問

衆

不論村坊與近遼顛不刺有萬千

曹王老爹休誤却這番秋祭使神焦躁

醉娘子

外

我聞言轉焦我當任劇這佳人難遇遭

衆社友時日已迫勞你列位分頭去問若有美女

身價隨多寡我都願出黃金已在腰向別處遠方

相尋孤得時休論多和少

衆

我們今日就借宅上

敷演社火一番

演介

豹子令

打鼓如雷震九霄震九霄燒香若霧散林

郊散林郊鬼臉裝成耍鮑老村姑唱出念奴嬌

合

雞豚濁酒樂陶陶

前腔社飯分來香氣飄香氣飄春盤簇處味堪嚼
味堪嚼老翁得酒將顰療東方割肉豈蒙嘲合前

王老爹我們告辭了外還勞列位多方尋訪有

時便來見教衆曉得

千尋古木笑聲中
此日春風屬社公

但願三登多快樂
人無疾病稻禾豐

第十八齣生同卒持祭物上

一枝花天家嗟隕蹶國寶亡雙傑抱琴絃欲絕月

明夜一代風流地下脩文籍妖氛方四徹國事堪
嗟無奈袖手劬勦謀拙

山花子

泰山頽倒哲人萎

白玉樓成似有期天地茫茫無可問轉淒其滿
腔忠義只天知不顧人間事已非奸臣未滅身
先死淚沾衣謝鯤生逢厄運正值晉室凌夷昨
者新亭之宴不是詐醉佯狂幾不脫于虎口可
憐周戴二兄不聽吾言果然駢首就戮如今懸
頭西市不許收葬吾想樂布奏使事于彭越北
海寄典刑于帑賁人各盡吾心耳何暇計利害

哉謝鯤與周戴二兄契結金蘭誼同臭味今日
之難彼旣殺身以成仁我寧覩顏而事虜且往
西市祭哭一番聊盡炙雞絮酒之情素車白馬
之義至于死生利害姑且聽之叫左右可將祭
禮到周戴兩尚書號令所在去卒稟爺這所在
去不得生爲甚去不得卒錢叅軍統領鉄騎五
百日夜在彼看守不許人來收葬就是祭奠者
亦俱不許犯者即便梟首就是兩尚書家属親
故盡不敢往老爺何故去犯他生你不曉得夫

就罷了揮淚哭山前蘭摧自可憐魂今如可問
應爲直如絃卒稟爺已到西市頭了這就是兩
位尚書號令所在生哭介呀伯仁兄若魚兄你

從容就死亦何名戀國唯君與屈平從此秣陵
烟月夜杜鵑應作兩般聲我那伯仁若魚兄那

山桃紅

你身膏草野目挂吳堞罵賊皆爲裂肝腸

似鍊魄殺那屈身賴魄殺那乞憐舌說甚子房錐
董狐筆和那蘇卿節也耿耿丹心昭日月家國悲
俱滅綱摧紀截悲介二兄那何日青城開馬鬣